



SAMOA I SISIFO

Faatulagaina o Aiaiga

Igoa

- | | | |
|--|--|---|
| <ol style="list-style-type: none"> 1. Igoa puupuu ma le amataga 2. Pule e nono ma faamaonia ai se faaunegatupe | | <ol style="list-style-type: none"> 3. Mauaina o tupe o faaunegatupe 4. Faaaluina o faaunegatupe 5. Faaputugatupe Faaagaaga |
|--|--|---|

1995, Nu.6

O SE TULAFONO e faataga ai le nonoina i totonu o Samoa i Sisifo o se aofaiga tupe e le sili atu i le \$8,500,000 tala. [30 Iuni 1995]

UA FAIA e le Fono Aoao Faitulafono o Samoa i Sisifo i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono e Faatagaina ai Faaunegatupe (Nu.2) 1995.

(2) O lenei Tulafono o le a tatau ona amata faamamaluina i le aso 1 o Iulai 1995.

2. Pule e nono ma faamaonia ai se faaunegatupe - O le Minisita o Tupe ua faatagaina nei i le noatia ma le fai fuafua i aiaiga o fuaiupu 4, 5, ma le 6 o le Tulafono o Pulega tau Tupe 1964 e na te nonoina i totonu o Samoa i Sisifo ma faaeeina i luga o tupe maua a le atunuu i totonu o Samoa i Sisifo, se aofaiga o tupe e le sili atu i le valu miliona lima selau afe tala.

3. **Mauaina o tupe o faaunegatupe**— O tupe maua o le faaunegatupe ua faataga ina ia faia e tusa ai ma le fuaiupu 2 o lenei Tulafono o le a tatau ona totogiina i totonu o le Faaputugatupe a le Ofisa o Tupe.

4. **Faaaluina o Faaunegatupe**— O tupe nono i lalo o le pule o lenei Tulafono e mafai ona totogiina mai i Faaputugatupe a le Ofisa o Tupe pe a fai e tusa ai ma le Tulafono o le Faatatauina o Tupe po o e avea ai o ni tupe alu faale-tulafono e pei ona aiaia i totonu o le Tulafono o Pulega tau Tupe 1964.

5. **Faaputugatupe Faaagaaga**— O saofaga mo le toe totogiina o le faaunegatupe faatagaina e pei ona faia e tusa ai ma le fuaiupu 2 o lenei Tulafono, i se fua faatatau e faapea o le a fuafuaina e le Kapeneta e tuueseina mo lena faamoemoe ma e tatau ona tuuina' mai i le Faaputugatupe a le Ofisa o Tupe i le Faaputugatupe o Faaunegatupe Faaagaaga o Atiina ae.